



Bájkkeavijssa NuorttaSálto

Galba Divtasvuonan tsieggiduvvi

Tæksta: Børge Strandsko
Járggálibme: Divte Media

Divtasvuona suohkan
Tysfjord kommune

Moadda li juo
tsieggiduvvam, ja
ienep vil tjuovvu...
Viddnudahka Rimo
Reklame AS
Narvijkas
Divtasvuona
suohkana ávdás 68
guovtegielak galbaj
dahki, ma galggi
gahtsahit juohkka
tsiekkadusán ja
ásadusán suohkanin.

Dán lágon ja sjehtadusán aj dagáduvvá stuoráp diehtotábllo mij galggá suohkana færjojda tjanáduvvat, ja aj Sætran ja Ájluovtsuoren. Jus nágina alvaduvvi, ja ihkap aj assjmaduvvi, gå divna galba li tjáleduvvam sihke sámegiellaj ja dárogiellaj, ja sámeksta vuostatjijn, de “rijddo” viertti bájkálasj politihkkárijda járggáluvvat. Dan diehti gå sámeksta galggá vuostatjijn tjáleduvvat, dav li bájkálasj politihkkára mierredam...

Suohkana pládna sámegiela háldadime hárráj mierreduváj jagen 2007. Dánna tjuodtju duola dagu: “Gå galba galggi tsieggiduvvat de oajvvenjuolgadusá milta sámeksta vuostatjijn galggá tjáleduvvat. Jus nágina avtavuohta ájggu dárogielav vuostatjijn galban, de dáhkkidus viertti átsáduvvat ávdánammasás. Goappátja giela galggaba aneduvvat galbajn ma suohkanis tsieggiduvvi, gánná dássju tevsta gielaj vuoros sierraloabev máhtá oadtjot.”

Vuostatjijn le sáhka galbaj birra

suohkana tsiekkadusáj álgusjbielen. Juska giellaplánan gájbeduvvá sisbie- len suohkana tsiekkadusáj galggi guovtegielak galba liehket.

- Mij ájggop giellaplánav tjuovvot aj sissjálasj galbaj, duola dagu rádegoaden, javllá suohkanoajvve Anders Sæter. Ij rat diede man guhkás li boahám galbaj tsieggimijn, valla diehtá nágina galba li Stuorgietten ja Ájluovtan juo tsieggidum.

- Jáhkáv galba tsieggiduvvi dalánagá gå li gárvedum, javllá Sæter. Ja suohkanoajvve ij nav guhkev dárba vuorddet. Rimo Reklame AS’ a bæjválasj jádediddje milta, ienemus oasse galbasj li gærggasa juo boahhte vahko. Lund iesj boahá galbaj tsieggitjot.

- Diehtogalbaj vájlluji nágina gává ávdál máhtep daj gergadit. Da guokta stuorra galba rádegoaháj Gásluoktaj aj unnán mañuni, subtsas Lund. Rádegoaháj galggi guokta galba. Akta álgusjbielen ja nubbe sinna dievnastusássudagán. Mañemus nammadum galggá “vuosedit” ásiida ja kántávraida.

Divtasvuona galbbapládna aj guosská duola dagu suohkana

rahtijda. Nammadimijn ádá rahtijs ja rahtijs ma juo gávnnuji ja/jali bájkkenamájs, sámegiellamá galggi aneduvvat gánná le luondulasj. Divtasvuona suohkan galggá aj oassálasstet vaj fylkkasuohkana ja stáhtalasj galba li goappátja giellaj, sámegiellaj vuostatjijn. Dát guosská aj fylkkasuohkana ja stáhtalasj rahte, institusjavná ja etáhta. Suohkan galggá aj gáhttjot Statens Vegvesenav gátsedit sámegiellav sijá galbbaplánajn gå galggi Divtasvuona suohkanin rahtijt galbbidit. Galbbapládna aj guosská suohkana girkkojda. Divna dájda li guovtegielak galba tsieggidum. Duodden le girkkooahhte ukse rádegoaden ájnna mij juo le galbbidum sámegiellaj ja dárogiellaj.

Galbbaprosjektá Divtasvuonan ruhtaduvvá juollodum giellahálda- dimrudájs Sámedikke. Jagen 2008 dát ruhtaláhko le birrusin gálmá millijavná krávná. Muhtem oasse rudájs li aj dijmátjij joarkedum. Giellaháldadimrudá juogeduvvi suohkana iesjengalágásj suorgijda, ja Teknihkalasj etáhtta giehtadallá rudájt galbbaprosjektaj. Bájkkeavijssa diedoj milta le galbbaprosjevta ekonomalásj mierre birrusij 400.000 krávná.



Máske skávlán li juo guokta galba tsieggidum. Vuostasj (r.b) guosská skávláj, nubbe vuoset girjevuorkkáj ja nuorajklubbj. Musken skole har ikke bare ett, men to skilt på plass. Det ene (t.h) gjelder skolen, det andre viser vei til bibliotekfilial og ungdomsklubb. Gávva/Foto: Dag Lund